

QAASUTSUP KOMMUNIA



Utoqqaat pillugit politikki



Qaasuitsup Kommuneani utoqqaat

Aallaqqaasiut:

Utoqqaat ataqinartuupput. Utoqqaat inuunerminni misilittagaqartuupput. Utoqqaat pitsaanerpaamik atugassaqartitaanissaat Qaasuitsup Kommuniata kissaatigaa.

Utoqqaat inuunerminni misilittagaqarluartuupput. Utoqqaassuseq piffissaavoq kinguaanut misilitakkanik ingerlatitseqqiffiusoq – tamanna inuiaqatigiit ineriartornerannut pingaaruteqarluinnartuuvoq.

Utoqqaassuseq inuunerup ingerlarngani oqaluttuarnikkut takutitsinikkullu misilitakkanik ingerlatitseqqiffiuvoq. Tamakku kinguaariit ineriartoqqinnissaannut tunngaviliisuullunnarput.

Utoqqaap nammineersinnaassusaa ataqinassusialu ajoquserneqassanngillat, timikkullu atugarisamigut inissisimanini pillugu utoqqaq immikkoortinneqassanngilaq. Timikkut piginnaaneqarnertik aallaavigalugu timiminnik atuisinnaanissaat anguniarneqartuassaaq. Soqutigisaat aallaavigalugit kattuffiillu attuumassuteqartut suleqatigalugit anersaakkut inuunerminni ineriartortuarnissaat aqqu-tissiuuttuarneqassaaq.

Siunertarineqartut:

Qaasuitsup kommuniata makku anguniagarai:

- Utoqqaat sapinngisamik sivisuumik nammineq najukkani naleqquttunilu najugaqarnissaat.
- Innuttaaqataasut utoqqaat sapinngisamik toqqissisimanartumik imaqartumillu inuuneqarnissaat anguniarneqartuassaaq.
- Qulakkeerneqassaaq, kaammattorneqarlutillu utoqqaat imminnut ikiornissaat, (imminut ikorsinnaanermut ilitsersuullugit) aammalu kommunip tungaaniit pisariaqartitaannik aalajangiisoqassatillugu sapinngisamik peqataatinneqartassallutik.
- Namminneq piumassutsiminnik utoqqaat peqatigiiffii aamma siunnersuisooqatigiiffiit Qaasuitsup kommuniani inissisimasut utoqqaat pillugit aalajangiinerni peqataatinneqartarnissaat.
- utoqqarnik sullissineq aqqissuunneqassaaq, qulakkeerniarlugu, sapinngisamik nukissat pigineqartut atorluarneqarnissaat, kiisalu qulakkiissallugu utoqqaat pisariaqartitsineq tunngavigalugu sapinngisamik sullinneqarnissaat.

Anguniakkat:

- utoqqarnik sullissinermi pitsaaliuineq aqutigalugu pitsaanerpaamik ikiuinissaq qulakkeerniarlugu anguniakkap salliutittuarnissaa.
- Utoqqarnik sullissinermi sannginnerusut ikiorneqartarnissaat salliutissallugu.
- Utoqqaat sapinngisamik nammineq angerlarsimaffiminni najugaqarnissat anguniartuassallugu, ilisarissimasaminni, toqqissisimanartumilu angerlarsimanissat pissutigalugu.
- Sapinngisamik utoqqaat, naleqqutinngitsumik najugaqartillugit, naleqqutumut toqqissisimanartumullu nuutsinneqarnissaat anguniatuassallugu.
- Ulloq unnuarlu paaqqutarineqarnissamut periarfissalimmut, angerlarsimaffimmi ikiorteqarnissamut peqqissaasoqarnissamut periarfissaqarnissaaq, il.il.
- Timikkut ikorsiissutit sapinngisamik pigineqarnissaat qulakkiissallugu.
- Utoqqaat sammisaqartinnissaannut, ulluunerani ornittakkanik, sammisassaqartitsivinnik periarfissaqarneq. il.il.

- Kommunimi utoqqarnut paaqqinnittarfinnik naammattunik pigisaqarnissaq, taassuma ataani annertuumik paaqqutarisarialinnut inissaqartitsineq.
- Sulisut amerlassusaat, utoqqarnik sullissinerup oqimaassusaanut naapertuunnissaat.
- Sulisut ilinniarnissamut/ilinniaqqinnermut periarfissaqartuarnissaat, pikkorissartuarnissaallu

Isumassorneqarneq:

Utoqqaap kommunep susassaqrifiiniinnerani inuttut naleqassusaa tamatigut ataqqineqassaaq. Taamaammatt aamma sulisoq sullissinermini ataqqinnittumik pissuseqarnissaa pisariaqarpoq.

Pitsaanerusumik sullissinerup anguneqarnissaa anguniagaavoq. Sullissinerup tungaatigut pitsanngoriartortoqarsinnaaqullugu sulisorisat ilinniarteqqinneqartarnissaannut pilersaarummik peqassaaq, kommunalbestyrelsep anguniangai anguneqarsinnaaqullugit.

Kommunep utoqqaallu akornanni suleqatigiinnermi naligiittoqarsinnaaqullugu utoqqarnut paasititsiniaanermik paasissutissiisarnermillu suliniutit annertusarneqarnissaat ineriartortinneqarnissaallu pisariaqarpoq.

- Sulisup sulinermini utoqqaq qitiutissagaa anguniagaavoq.
- Inuiaqatigiinni ineriartorneq pillugu ataavartumik paasissutissiisoqartarnissaa anguniagaavoq.
- Nappatsaaliuineq pinaveersaartitsinnermillu suliniutit pillugit utoqqaap paasititsiniaavigineqartarnissaa anguniagaavoq.
- Utoqqaap aamma nammineq inuunerminut inuunerminillu ingerlatsinerminut akisussaanissaa pingaaruteqarpoq.

Puiortarnermik nappaatilinnut isumagissuineq:

Qaasuitsup kommuniata pingaartippaa innuttaasut puiortarnermik nappaateqalersimasut siusinaartumik nakorsaqrarfik allallu susassaqtut peqatigalugit nalilersorneqartarnissaat, taamaalilluni naleqquttumik ikiorsiingasuarinissaq anguneqassammat.

- Puiortarnermik nappaat nappaataavoq ilungersunartoq napparsimasoq kisiat pinnagu aammali ilaqutaasut eqqorneqartarmata pitsaasumik naleqquttumillu ikiorsiisarinissaq napparsimasumut ilaqutaasunullu.
- Qaasuitsup kommuniata anguniarpaa puiortarnermik nappaatilinnut ataqatigiissaarisumik/konsulentinik atorfinittitsisoqarnissaa sulisullu pioreersut ilinniarteqqinnerasigut anguneqarsinnaammat anguniartuarneqarlunilu sullissineq piffinni tamani pitsaasoq naleqquttorlu sullitanut ilaqutaasunullu.
- Siunertaavortaaq piffinni tamani ilaqutaasunut ikorfartoqatigiinnik pilersitsinissaq – taamaalilluni kommunep sullissiniarnerani naleqqussartuarnissaq anguneqarneqarsinnaaniassammat.

Ineqarniarnikkut pissutsit:

Utoqqaat peqqissut ajukkunnanngitsumik namminerisaminnik najukkaminniiginnartarnissaat anguniagaavoq. Ulluinnarni atugarisaat pitsaasooqqullugit najukkaminni tamarmik periarfissaqartitaassapput. Timikkut tarnikkut inooqataanikkullu piginnaasat apeqqutaatillugit utoqqaap ineqarnikkut pisariaqartitaannut naleqquttumik qinigassinneqarnissaminnut periarfissaqarnissaat anguniagaavoq.

Ineqarnerup tungaatigut najugaqariaatsinik allaanerusunik qinigassat ilaneqarnissaat soorlu utoqqaat najugaqatigiiffinik, utoqqaat najugaqarfiinik kiisalu najugaqarfiit utoqqarnut naleqqussakkat ornittakkallu annertusarneqarnissaat anguniagaavoq. Taamatuttaaq Ataatsimoorussamik Kommunep Paaqqinnitsitsivii/Utoqqaallu Illuisa ingerlaavartumik pissutsinullu naleqquttumik ineriartortinneqarnissaat anguniagaavoq, utoqqaat paarineqarnissamik isumagineqarnissamillu pisariaqartitaannut naleqquttuusinnaaqullugit.

Sunnigiffik/kulturi:

Utoqqaap timini atorlugu sammisaqarnissaminut periarfissaqartuarnissaa anguniagaavoq. Taamatuttaaq utoqqaat anersaakkut inuunerminni unittuunnginnissaat anguniagaavoq.

Kulturikkut kingornutanik ingerlatitseqqinnissamut, inunnik allanik naapitsinissamut, kiisalu sunngiffimmi kulturikkullu sammisaqartitsinerni allani utoqqaat sunniuteqaqataaffigisinnaasaannik periarfissarsiornermi peqatigiiffiit utoqqarnullu siunnersuisoqatigiiffiit aqutugalugit suleqatigalugillu aqqissuussisoqartassaaq.

- Tamakku naammassineqarsinnaaqqullugit piffinni inissat eqqarsaatigalugit pilersitsinissaa anguniagaavoq.

Avatangiisit/atortorisallu

Avatangiisit utoqqarnut naleqquttuunissaat anguniagaavoq. Taamaammat pisortat ingerlatsivii tamarmik piffiillu allat tikikkuminartuusinnaaqqullugit ilusilersorneqarnissaat sulissutigineqassaaq; tamakku isaariaappata, nunaminiuppata il. il. assigiimmik.

Angallannikkut atortulersuutit utoqqarnut pitsorluttunullu naleqqussarneqartuarnissaat sulissutigineqassaaq. Aqqusernit eqqaanni issiaarfeqassaaq tummeqqallu naleqqussagaassallutik.

Anguniakkat allat:

Siunissami utoqqaat inuunerminnut sunniuteqaqataaannissaat pingaaruteqarpoq. Taamatuttaaq inuunerminni misilittakkamik kinguaariinnut tullernut ingerlatitseqqittarnissaat pingaaruteqartigaaq. Taamaammat meeqqanut inuusunnerusunullu sukkulluunniit attaveqarnissaminut periarfissaqartuarnissaat, kiisalu attaveqarnerup annertusarneqartuarnissaa pisariaqarpoq.

Pingaaruteqartunut makku ilaapput:

- Mersornermik ilinniartitsisinnaanermut periarfissaqarneq.
- Sanalunnermik allanillu assassoriarsornermik ilinniartitsisinnaanermut periarfissaqarneq.
- Inuiaqatigiinni pissutsinik kulturikkullu kingornutanik pingaaruteqarluinnartunik paasititsiniaaneq.

Suleqatigiinnikkut pissutsit:

Utoqqarnik isumaginninnerup pitsaanerulernissaa aammalu sutigut tamatigut utoqqaat atugarisaasa pitsaanerulernissaat anguniarlugu pisortat susassa qarfiisa akornanni suleqatigiinnerup ineriartortineqarnissaa annertusarneqarnissaalu sulissutigineqassaaq.

Anguniakkanut makku ilaapput:

- Attaveqatigiinneq pitsaanagerusooq
- Susassa qarfiit assigiinngitsut akornanni eqaannerusumik suleqatigiilernissaa kiisalu sullitaq qitiutillugu.
- Utoqqaat siunnersuisoqatigiiviniq illoqarfanni tamani peqassaaq.

Qaasuitsup kommunalbestyrelse sinnerlugu